

1953

Na osnovu Amandmana XL. tačka 2. na Ustav Republike Srpske ("Službeni glasnik Republike Srpske", broj 28/94), donosi m

U K A Z**O PROGLAŠENJU ZAKONA O IZMJENAMA I DOPUNAMA ZAKONA O VISOKOM OBRAZOVANJU**

Proglašavam Zakon o izmjenama i dopunama Zakona o visokom obrazovanju, koji je Narodna skupština Republike Srpske usvojila na Trideset drugoj sjednici, održanoj 28. novembra 2013. godine, a Vijeće naroda dopisom broj: 03.2-349/13, od 9. decembra 2013. godine, konstatiralo da usvojenim Zakonom o izmjenama i dopunama Zakona o visokom obrazovanju nije ugrožen vitalni nacionalni interes ni jednog konstitutivnog naroda u Republici Srpskoj.

Broj: 01-020-3913/13
9. decembra 2013. godine
Banja Luka

Predsjednik
Republike,
Milorad Dodik, s.r.

Z A K O N**O IZMJENAMA I DOPUNAMA ZAKONA O VISOKOM OBRAZOVANJU****Član 1.**

U Zakonu o visokom obrazovanju ("Službeni glasnik Republike Srpske", br. 73/10, 104/11 i 84/12) u članu 7. poslije stava 5. dodaje se novi stav 6, koji glasi:

"(6) Vrsta studija iz stava 1. ovog člana definira se i detaljnije obrazlaže studijskim programom."

Član 2.

Član 49. mijenja se i glasi:

"(1) Ispitni rokovi su: januarsko-februarski, aprilski, junsko-julski, septembarski i oktobarski.

(2) Januarsko-februarski, junsko-julski i septembarski ispitni rokovi sadrže dva ispitna termina.

(3) Aprilski i oktobarski ispitni rokovi sadrže jedan ispitni termin, s tim da se oktobarski ispitni rok mora završiti najkasnije do 15. oktobra.

(4) Studenti imaju pravo polagati ispite u oba ispitna termina propisana stavom 2. ovog člana.

(5) Student stiče uvjet za upis naredne godine studija ako je u studijskoj godini u koju je upisan ostvario 60 ECTS bodova.

(6) U slučaju da student ne ispuni uvjete za upis naredne godine studija, obnavlja godinu i ima pravo da prati nastavu i polaže ispite iz naredne godine studija do broja bodova koje je ostvario u prethodnoj godini studija.

(7) Visokoškolska ustanova za studenta iz stava 6. ovog člana utvrđuje ispite koje može slušati i polagati u narednoj godini studija, o čemu vodi posebnu evidenciju.

(8) Podaci upisani u evidenciju iz stava 7. ovog člana upisuju se u studentsku knjižicu i matičnu knjigu nakon što student upiše godinu studija za koju je vođena evidencija.

(9) Apsolventski staž na prvom ciklusu studija traje dvije godine od isteka posljednje godine studija, a na drugom ciklusu studija traje 12 mjeseci od isteka posljednje godine studija.

(10) Izuzetno od stava 1. ovog člana, visokoškolska ustanova može organizirati ispitne rokove za apsolvente svakog kalendarskog mjeseca, izuzev jula i augusta, sa po jednim ispitnim terminom.

(11) Po isteku apsolventskog staža, student ima pravo da polaže ispite uz naknadu troškova.

(12) Pravila studiranja apsolvenata uređuju se općim aktom visokoškolske ustanove."

Član 3.

U članu 62. stav 1. tačka b) mijenja se i glasi:

"b) donosi pravilnik o unutrašnjoj organizaciji i sistematizaciji radnih mjesta, na prijedlog rektora, za javne visokoškolske ustanove, uz prethodnu saglasnost Ministarstva,".

U tački ž) poslije riječi: "odnosa" briše se riječ: "i" i dodaje se zarez.

U tački i) poslije riječi: "senata" briše se riječ: "i" i dodaje se zarez.

U tački j) poslije riječi: "nadležnostima" dodaje se riječ: "i".

Poslije tačke j) dodaje se nova tačka k), koja glasi:

"k) donosi opće akte iz oblasti materijalno-finansijskog poslovanja, u skladu sa zakonom i statutom visokoškolske ustanove."

U stavu 7. poslije riječi: "odbora" dodaju se riječi: "na javnoj visokoškolskoj ustanovi".

Član 4.

U članu 64. u stavu 2. tačka l) briše se.

Član 5.

U članu 67. u stavu 1. tačka ž) mijenja se i glasi:

"ž) predlaže upravnom odboru pravilnik o unutrašnjoj organizaciji i sistematizaciji radnih mjesta, po prethodno priobavljenom mišljenju organizacionih jedinica,".

Član 6.

Član 85. mijenja se i glasi:

"(1) Prije početka svake akademske godine, visokoškolska ustanova određuje odgovorne nastavnike i saradnike za tu akademsku godinu.

(2) Za odgovorne nastavnike i saradnike na univerzitetu određuju se nastavnici i saradnici koji ispunjavaju propisan uvjete i koji su izabrani u propisanom postupku prema ovom zakonu ili zakonu koji je bio važeći u vrijeme kada su izabrani u zvanje.

(3) Za odgovornog nastavnika na akademskom studijskom programu koji se izvode na visokoj školi određuje se nastavnik koji ima naučni stepen doktor nauka u odgovarajućoj naučnoj oblasti.

(4) Visoke škole su dužne odrediti odgovorne nastavnike u skladu sa stavom 3. ovog člana najkasnije do akademske 2015/2016. godine.”.

Član 7.

U članu 100. riječi: “kao i mogućnost nastavničkog angažiranja po bilo kom osnovu,” brišu se.

Poslije stava 1. dodaje se novi stav 2, koji glasi:

“(2) Izuzetno od stava 1. ovog člana, nastavnik može biti ugovorno angažiran u nastavi do godinu dana, na prijedlog Senata visokoškolske ustanove, ukoliko po prethodno raspisanom konkursu nije izabran odgovarajući kandidat, sa mogućnošću produženja za još jednu godinu po istoj proceduri.”.

Član 8.

U članu 110. stav 2. mijenja se i glasi:

“(2) Status redovnog studenta, pored uvjeta iz stava 1. ovog člana, prestaje kad student ne završi studije do isteka roka koji se određuje u dvostrukom broju školskih godina potrebnih za realizaciju studijskog programa.”.

Poslije stava 2. dodaju se novi st. 3, 4. i 5, koji glase:

“(3) U dvostrukom broju školskih godina iz stava 2. ovog člana ubraja se i apsolventski staž.

(4) U slučaju da obnovi studijsku godinu, redovan student čije se studije finansiraju iz budžeta prelazi u status redovnog studenta koji sufinansira svoje školovanje nakon 2015/2016. akademske godine.

(5) Student koji sufinansira svoje školovanje može steći status studenta čije se školovanje finansira iz budžeta pod uvjetima koji su propisani općim aktom visokoškolske ustanove.”.

Član 9.

U članu 117. poslije stava 3. dodaje se novi stav 4, koji glasi:

“(4) Mandat članova i predsjednika Komisije za informiranje traje četiri godine.”.

Član 10.

U članu 119. poslije stava 4. dodaje se novi stav 5, koji glasi:

“(5) Ministar rješenjem određuje visinu naknade za rad predsjednika, članova i vanjskih saradnika Komisije za informiranje.”.

Član 11.

U članu 125. poslije stava 2. dodaje se novi stav 3, koji glasi:

“(3) Postupak iz stava 2. ovog člana ne može da traje duže od četiri mjeseca od dana dostavljanja urednog zahtjeva za priznavanje strane visokoškolske isprave.”.

Član 12.

U članu 134. poslije stava 1. dodaje se novi stav 2, koji glasi:

“(2) Ukoliko diploma, dodatak diplomi i uvjerenje o stečenom zvanju sadrže grešku u imenima i brojevima, pisanju, kao i druge očigledne netačnosti, ispravka se vrši u skladu sa zakonom kojim se uređuje opći upravni postupak.”.

Član 13.

U članu 148. u stavu 1. riječi: “2013/2014. godine” zamjenjuju se riječima: “2014/2015. godine”, a riječi: “2016/2017. godine” zamjenjuju se riječima: “2017/2018. godine”.

Član 14.

U članu 149. u stavu 2. riječi: “2014/2015. godine” zamjenjuju se riječima: “2015/2016. godine”, a riječi: “30. septembrom 2017. godine” zamjenjuju se riječima: “30. septembrom 2018. godine”.

Član 15.

U članu 151. st. 5. i 6. brišu se.

Član 16.

Član 152. mijenja se i glasi:

“(1) Student koji nije ostvario uvjet iz člana 49. st. 5. i 6. ovog zakona za upis naredne godine studija ima pravo upisa naredne godine pod uvjetima:

a) upis u akademsku 2010/2011. i 2011/2012. godinu sa pravom prenosa najviše dva predmeta, odnosno najviše 15 ESTS bodova u narednu godinu studija i

b) upis u akademsku 2013/2014, 2014/2015. i sa pravom prenosa najviše 15 ESTS bodova iz upisane godine studija.”.

Član 17.

Član 158. mijenja se i glasi:

“Ovaj zakon ne odnosi se na teološke fakultete, visoke teološke škole i teološke akademije i Visoku školu unutrašnjih poslova.”.

Član 18.

Poslije člana 158. dodaju se novi čl. 158a. i 158b, koji glase:

“Član 158a.

Teološki fakulteti, visoke teološke škole i teološke akademije (u daljem tekstu: “teološke škole”) mogu biti u sastavu univerziteta, što se uređuje posebnim ugovorom između univerziteta i osnivača teoloških škola, prema uvjetima propisanim ovim zakonom, općem aktu univerziteta i propisima kojima je uređen rad teoloških škola.

Član 158b.

(1) Visoka škola unutrašnjih poslova može biti u sastavu univerziteta, a to se uređuje posebnim ugovorom između univerziteta i Ministarstva unutrašnjih poslova, prema uvjetima propisanim ovim zakonom, zakonom kojim se uređuju unutrašnji poslovi, općem aktu univerziteta i Statutom Visoke škole unutrašnjih poslova.

(2) Za akademska pitanja visokoškolskih ustanova iz stava 1. ovog člana nadležan je Senat univerziteta.”.

Član 19.

Ovaj zakon stupa na snagu osmog dana od dana objave u “Službenom glasniku Republike Srpske”.

Broj: 01-2417/13
28. novembra 2013. godine
Banja Luka

Predsjednik
Narodne skupštine,
Mr. **Igor Radojičić**, s.r.